



明詩正聲目錄卷之十 七言古詩一

高啓 七首 楊基 五首 張羽 三首

徐賁 一首 宋濂 一首 劉基 六首

吳志淳 一首 孫蕢 三首 黃哲 一首

李德 一首 汪廣洋 一首 林鴻 三首

袁凱 一首 張昱 一首 蘇伯衡 一首

王禕 一首 郭奎 二首 朱昇 一首

王冕 一首 劉崧 一首

卷十一 七言古詩二



貝 翺 一首 倪 峻 一首 高 棟 三首

孫 炎 一首 張 仲 簡 一首 瞿 祐 一首

鄭 元 祐 一首 劉 秩 一首 姚 廣 孝 一首

解 縉 一首 曾 祭 四首 郭 登 一首

王 儼 六首 王 恭 一首 王 紱 二首

陳 亮 一首 胡 奎 一首 浦 源 一首

練 安 一首 唐 泰 一首 胡 儼 一首

周 玄 一首 張 楷 一首 程 國 儒 一首

唐 文 鳳 二首 史 鑑 一首 劉 績 二首

于 謙 一首 周 序 一首

卷十二 七言古詩三

王 英 一首 張 寧 二首 劉 翊 三首

李 東 陽 六首 丘 濬 一首 梁 潛 一首

石 珽 三首 楊 守 陳 一首 張 弼 一首

張 琦 二首 何 起 直 一首 岳 正 一首

張 旭 二首 沈 周 一首 李 夢 陽 十首

卷十三 七言古詩四

何 景 明 十六首 顧 璘 一首 王 九 思 三首

邊貢 三首 朱諫 二首 王守仁 一首

朱應登 一首 左國瓌 一首 孫一元 三首

謝鐸 二首

卷十四 七言古詩五

王廷相 五首 王尚綱 一首 徐禎卿 四首

孟洋 三首 鄭善夫 七首 孫緒 二首

戴冠 二首 常倫 三首 楊慎 五首

卷十五 七言古詩六

薛蕙 四首 蔣山卿 一首 李濂 一首

王廷陳 二首 李士允 二首 敖英 一首

豐坊 一首 孫宜 三首 多炆 一首

張時徹 五首 顧夢圭 一首 華察 一首

樊鵬 一首 屠應峻 一首 金大車 二首

王寵 一首 唐順之 一首 羅洪先 一首

沈愷 一首 任瀚 一首 盧楓 一首

尹耕 一首 嚴怡 三首 駱文盛 一首

趙貞吉 一首 馮惟訥 一首 朱曰藩 一首

楊繼盛 一首 蔣孝 一首 皇甫濬 一首

汪坦 一首

卷十六 七言古詩七

李攀龍 二首
王世貞 十二首
徐中行 二首

梁有譽 一首
宗臣 二首
謝榛 一首

陳栢 二首
王崇古 一首
沈明臣 三首

李時行 一首
盧柟 九首

卷十七 七言古詩八

李先芳 七首
方弘靜 一首
高應玘 一首

張佳胤 一首
王世懋 二首
陳文燭 一首

朱孟震 二首
梁辰魚 一首
黃克晦 二首

林世璧 三首
桑紹良 一首
汪時元 一首

王寅 一首
梁柱臣 二首
張邦仁 二首

宋登春 一首
江一鵬 一首
顧冶 三首

卷十八 七言古詩九

顧大典 三首
周光鎬 一首
胡應麟 一首

湯顯祖 二首
王叔承 七首
王穉登 五首

屠隆 二首
胡坦 二首
胡旦 四首

卷十九 七言古詩十

梅鼎祚 三首 鄧伯羔 一首 徐桂 一首

楊承鯤 一首 汪禮約 一首 柳應芳 一首

胡之驥 一首 曹昌先 一首 蘇民懷 一首

王同軌 一首 倪光胤 二首 孫朗 一首

黃德水 一首

宋氏 一首 郭愛 一首 劉方 二首

陳夫人 一首

明詩正聲目錄卷之十九

明詩正聲卷之十 七言古詩一

盧純學

選


廣陵

江一夔 校閱

高啓

燕歌行

清商變節朱火違嚴霜塗庭卉木腓邊城早寒
未授衣念君遐征不能歸涼風時來動中闈蟪
蛩在戶熠燿飛賤妾宵興歎無依簪珥不施減
容輝欲寫憂思撫瑤徽君今不在聽者稀啓明



未出燈已微愛而不見徒歔歔

行路難

君不見盤中鯉暫失風濤登俎几又不見枝上
蜩纔出糞壤凌雲霄推移變化詎可測勿謂明
日同今朝出乘高車入大馬半是當年徒步者
范叔曾逃客溺餘衛青亦在人笞下悠悠行路
莫相欺為雌為雄未可知

結客少年場行

結客須結遊俠兒借身報仇心不疑千金買得

利七首摩挲誓許酬相知白馬縵胡纓行行人
盡止朝游洛北門暮醉秦東市感君在一言不
惜為君死朱家曾托季將軍田光終酬燕太子
君不見魏其盛時客滿門自言一一俱銜恩魏
其既罷誰復見養士堂中塵網遍始知結客難
徒言意氣傾南山食君之祿有弗報何況區區
杯酒間結客不必皆薦紳緩急叩門誰可親屠
沽徃徃有奇士慎勿相輕問里人

憶遠曲

楊子津頭風色起郎帆一開三百里江橋水柵
多酒壚女兒解歌山鷓鴣武昌西上巴陵道聞
郎處處經過好櫻桃熟時郎不歸客中誰謂縫
春衣陌頭空問琵琶卜欲歸不歸在郎足郎心
重利輕風波在家日少行路多妾今能使烏頭
白不能使郎休作客

羈旅行

馬頭北風吹地白手冷時驚墮鞭策隻堆欲來
雙堆過客程不盡關山多狐狸縱橫古城壞旗
折官亭無酒賣土風處處殊故園鄉音只聞僮
僕言天涯歲晚無相識囊金已空歸不得暝投
人家自炊黍土屋青燈鴈啼雨此時暫解羈旅
愁夢與家人夜深語人生出門即苦辛何況長
為萬里身遠遊揔得功名好不如貧賤鄉中老

野田行

白楊樹下誰家墳火燒野草碑無文路傍尚卧
雙白馬行人指是故將軍當時蒞卒開陰宅千
車送葬城東陌子孫今去野人來高處牧羊低

種麥平生意氣安在哉棘叢暮雨棠梨開百年
富貴何足恃雍門之琴良可哀

吳中逢王才隨朝京使赴燕南歸

江南草長蝴蝶飛白馬新自燕山歸燕山歸不
堪說易水寒風薊門雪朝邸空隨使者車禁閣
不受書生謁一杯勸君歌莫哀歸時應過黃金
臺不見荒基秋來土花紫伯圖已歇昭王死千
載無人延國士

揚基

漠漠山中雲

漠漠山中雲豈是山上石天風一飄蕩雲與山
俱碧白雲嵯峨不出山道人心與山雲閒明朝
我亦乘雲去相遇蓬萊縹緲間

高郵湖新開值雨

殘虹曉落西陂岬兩脚斜飛鷗鷺亂扁舟盡日
畫中行荷葉荷花香不斷船頭老翁一尺鬚斗
量菱角兼賣魚兒能鼓柁女蕩楫何用聰明多
讀書

題長江萬里圖

我家岷山更西住正見岷江發源處三巴春霽
雪初消百折千回向東去江水東流萬里長人
今漂泊尚他鄉烟波草色時牽恨風雨猿聲欲
斷腸

休采花

休采花胡蝶飛休撲蝶傷花枝花枝娟娟戲雙
蝶臨風對花不忍折平生愛蝶仍愛花只恐傷
花復驚蝶君似蝶妾似花花開能幾日胡蝶過

西家

挂劍臺和黃子邕

生諾諾尚淺死諾諾更深當時季子意即是徐
君心嗟嗟徐君骨已朽寶劍摩挲在吾手正擬
臨岐解贈君不意挂君墳下柳挂劍果何益聊
以明不欺當時讓國心肯使徐君疑於乎劍可
折臺可隳死生之諾不可虧

張羽

吳宮春詞擬王建

館娃宮中百花开西施曉上姑蘇臺霞裾翠袂
當空舉身輕似展凌風羽遙望三江水一杯兩
點微茫洞庭樹轉面疑眸未肯回要見君王射
麋處城頭落日欲栖鴉下堦戲折棠梨花隔岸
行人莫偷盼干將莫邪光燦燦

老將行

少年十二執金吾一身能擘兩雕弧臨陣堂堂
膽氣麤軍中決勝絕代無祁連山前三日戰疋
馬直走南單于沙場萬里除殘賊天子臨軒賜

顏色當時封侯立功業今日蹉跎髮將白淒涼
獨守漢西營倚樓閒看陣雲生胡沙不似當時
遠漢月還如舊夜明男兒志氣豈終改膂力已
衰心尚在莫言善飯似廉頗尚堪一戰空青海

余將軍篆書搨本歌

余將軍守舒州舒州之城大如礪長江西來繞
賊流賊舩如雲壓城破將軍提劍城頭坐劍未
動虜已奔鯨鯢蔽江江為渾孤軍六年二百戰
王師不來城自存無兵猶足戰無食安可支豈

無愛妾與愛馬殺之不解壯士飢力盡矢竭將
奚為倉皇齟舌罵不已義士千人同日死祗今
還有盡忠池碧血清冷化為水將軍持節東州
時作此篆書形崛竒妙墨已隨神物化好事當
時臨得之雖非其真意獨在垂金屈玉蟠蛟螭
我拜重是忠臣跡秦相雖古其人非嗚呼將軍
此書配者誰請君摹取浯溪石上中興碑

徐賁

別離曲

一作送主簿王儀中之華亭

山風吹霜榆葉老城鴉傳聲天欲曉征人出門
駕行裝斗杓倒懸月無光我停露車客停馬荒
烟蕭蕭暗平野一杯濁酒且須傾九月垂楊不
堪把歌聲感激絃聲繁坐上醉人爭笑喧相逢
相別皆草草心事如絲向誰道

宋濂

題李易安所書琵琶行後

佳人薄命紛無數豈獨潯陽老商婦青衫司馬
太多情一曲琵琶淚如雨此身已失將怨誰世

間哀樂長相隨易安寫此別有意字字欲訴中
心悲永嘉陳侯好奇士夢裏繆為兒女語花顏
國色草上塵朽骨何堪汗唇齒生男當如魯男
子生女當如夏侯女千年穢跡吾欲洗安得潯
陽半江水

劉基

邯鄲才人嫁為厮養卒婦

邯鄲有才人艷色如朝霞嫁作厮養婦雲髮埋
泥沙憶昔趙王全盛日夜夜綺筵張寶瑟中山

美酒盈羽觴一咲黃金滿千鎰繁華過眼如轉
蓬故宮禾黍秋茫茫明珠白璧走函谷墜簪遺
珥空悲風人生最苦是衰老白首無歸向誰道
華門永夜月光寒卧聽駑駘啣枯草

折楊柳

去年送君楊柳青暖風晴日花冥冥今日思君
瑣窓綠柳條又綴黃金粟君心却似條上花隨
風飄蕩不思家妾心已作科上槁縱得春光為
誰好折取長條寄遠人人生四十無青春

題陸放翁賣花叟詩後

君不見會稽山陰賣花叟賣花得錢即買酒東
方日出照紫陌此翁已作醉鄉客破屋含星席
作門濕螢生竈花滿園五更風顛雨聲惡不憂
屋倒憂花落賣花叟但願四海無塵沙有人賣
酒仍賣花

長安道

長安道送盡芳菲到枯槁人生盛衰若不常何
異長安道傷草漢家將軍初拜官門前上客車
班班一朝世衰烟燄歇車輪無聲馬蹄絕明年
有詔封冠軍依舊車馬來如雲

為祝彥中題山水圖

高軒玲瓏不受暑半幅輕綃宿烟雨白門素壁
生空明似聞水聲繞庭宇松髯拂天藤蔓垂枯
根瘦石相因依寒濤不驚虎兕卧嵐翠欲與蛟
虬飛空江悠悠一漁艇渚白沙明萬魚靜武陵
桃花何處尋落日微風片帆影

蜀國絃

胡笳拍斷玄冰結湘靈曲終斑竹裂為君更奏
蜀國絃一彈一聲飛上天蜀國周遭五千里峩
眉迢迢連玉壘岷嶓出水作大江地拍天浮界
南紀舒為五色朝霞暉慘為虎豹嗥陰霏翕為
千嶂雲雨入噓為百里雷霆飛白鹽雪消春水
滿谷鳥相呼錦城暖巴姬倚歌漢女和楊柳壓
嬌花纂纂銅梁翠氣通青蛉碧鷄啼落天上星
山鬼號風寡鵠泣杜鵑嗚咽愁幽冥商悲羽怒
聽未了窮猿三聲巫峽曉瞿塘噴浪翻九淵倒
瀉流泉喧木杪樓頭仲宣羈旅客故鄉渺渺音
塵隔含悽更聽蜀國音不待天明頭盡白

吳志淳

官掘壕

官掘壕掘壘出如城高古來掘壕作城骨壕水
愈深城愈突今來掘土堆民田小吏繞城更索
錢貧家無錢聽官便壘土如山誰敢怨商鹽換
米十萬餘額官募作掘壕吏丁男壯女通力作
擔土遠徙南山隅城外莫教留積土還恐他年

穴豺虎

孫蕢

紫騮馬

紫騮馬黃金羈兒家夫婿金陵兒金陵正值繁
華時日與遊俠相追隨追隨游俠金陵下長跨
金羈紫騮馬賭勝初登蹴鞠場縱酒還來鬪鷄
社越羅楚練照晴空飛鞚揚鞭去似龍卻轉端
門回輦路斜穿夾道過行宮行宮夾道通三市
長使傷人誇意氣紫陌春融錦繡連青樓日暮

簫笙起青樓倡女研羅裙清歌宛轉駐流雲歌
闌陌上春風度舞罷樓前壁月新陌上樓前相
識多相陪相引屢經過房櫳寂寞交疏裡雲鬢
粧成柰爾何

南京行

南京自古說豪雄遠勝秦中與洛中吳越千山
高拱北巴江一道遠朝東秦淮水入丹陽郭北
固城連六代宮岌業石頭如踞虎逶迤鍾岳似
盤龍龍樓鳳閣天中起萬戶千門霄漢裡太乙

明言上卷
卷之二
鈎陳紫極通翔鸞舞鶴珠峰峙卻日稜觚駕寥
廓行空複道侵箕尾仙掌銅盤玉作流靈芝華
盖霞為綺華盖靈芝粲綺霞御橋金水正當衙
五門彩旭朝天仗馳道香風散日華細柳千章
爭拂地嬌鶯百轉競啼花紫殿龍光飛武庫雕
薨甲第列侯家侯家卿相真才彥玉笋蟬聯奉
天殿屈宋摛文入石渠韓黥耀武專方面黃閣
承恩宣雨露烏臺執法行霜霰環珮聲清散早
朝葡萄酒綠沾春宴春宴春風坐百花歸來里

巷闢香車金張富貴人爭羨王謝風流世共誇
隱豹商家隨赤羽歲蕤大燾映彤牙盤陀寶校
光前導組絡鳴鑣隘狹斜西下通三市紫
霧紅塵拂天起南陌東廂馬似龍烏衣朱雀人
如蟻爭看買珠輕薄兒亦訝探丸俠游子猶懷
鳳臺醉李白無復新亭泣周顛井傍美人悲麗
華道上行人譚結綺結綺臨春總可憐龍河一
帶但寒烟天界叢林開象魏冶城高閣艷神仙
神仙盡是蓬瀛侶更畫秦樓玉簫女渺渺青鸞

月下來飄飄彩鳳雲中舉別有青樓大道傍烟
花萬樹儼成行飛瓊裊裊翠羅袖小玉娥娥紅
粉粧小玉飛瓊兩少年清歌妙舞鬪媽妍舞態
盤迴芳樹底歌喉宛轉落花前彩雲作雨朝朝
合璧月流光夜夜圓朝朝暮暮長如此秋月春
花若流水去歲今年景不殊南來北去人相似
生綠羅屏遮上客流蘇暖帳邀公子爛熳三春
錦繡城空濛一片笙歌市繁華佳麗樂無邊我
獨胡為困一塵已似楊雄栖白屋還如司馬卧
文園誰將積業三千牘換取揚州十萬纏桃李
風前歌扇底看花騎馬過年年

捕魚圖

小孤洲前春水綠泛湖小船如小屋白頭漁父
不解愁往來捕魚湖水頭得魚換米納官稅妻
孥衣食長優游大兒十三學罔罟小女七歲能
搖櫓江口賽神夜吹角村邊賣魚朝打鼓雨來
維梢依古岼風起鳴榔入長浦荻芽短短桃花
飛鱖魚上水鮒魚肥鱠魚燒笋醉明月蠻歌唱

和聲唧唧月明在天光在水但願年年只如此
無風無浪常安眠湖中有魚魚得錢

黃哲

扶溪春望

溪頭望春春色深美人不見勞予心綠波渺渺
向南浦罨畫樓臺芳樹陰天涯滿目丹青障春
日春花兩搖漾翡翠蘭苕不可思鴛鴦桂樹遙
相望相望相思雲路遙金塘流水亂春潮采菱
風急桂舟晚疑是當年楊子橋橋邊楊柳青青
好惆悵春心被花惱浦口迴船欲訪君相思一
夜靡蕪老

李德

秋情

燭炬搖紅紗隙凍沉香帳底鴛鴦夢芙蓉波冷
薄霜凝一夜離鸞憶單鳳梧桐金井啼曙鴉夢
郎封侯歸妾家開門自掃枇杷花

汪廣洋

從軍樂

從軍樂右挿忘歸左繫弱天子有詔征不庭重
選前鋒掃幽朔出門萬里不足平死駒照耀黃
金絡去年鏖戰葱嶺東今年分戍蓬婆中蓬婆
城外一丈雪半夜紫駟號北風少年忽憶慷慨
事便起酌酒澆心胸酒酣耳熱聲摩空手舞三
尺青芙蓉前將軍右都護壯士在榮不在富一
朝手格樓蘭歸人擁都門看馳騫朝承恩暮承
顧出入三軍稱獨步都門富兒空萬數人生豈
被從軍誤

林鴻

寄蔡殷

少年所性尚游俠夜讀古書朝射獵相逢然諾
重千金性命由来輕一葉自言濩落長如此豈
謂年光若流水當時意氣何足論今日為儒人
共鄙以茲俯仰向時流窮居古巷仍百憂拘鈐
禮法坐桎梏鞭撻童稚生仇讎浮雲世態我何
有寧甘落魄魄耽盃酒閔子長懷汶上田桓公謾
賦湘潭柳日夕長吟思故山樊籠尚掩冲霄翰

明詩正聲 卷之二
知君懷抱亦如此一為君歌行路難

贈浮丘生

浮丘生能遠遊不學羽客棲丹丘擔簦荷笠來
滄洲我昔冥棲向溟渤携書共讀東山月舊游
冠蓋半凋零見子翻令心內熱羨子有遠志放
形天地間扁舟濯足望雲海短策振衣登雪山
太行北上連鴈門燕臺鄴宮無復存國士由來
死知己令人感激思平原諸侯門深少知遇回
轅又復歸南楚醉裡行吟七澤秋燈前臥聽三

湘雨吾知浮丘心迹竒世人悠悠那得知草書
古篆更神妙擊劔彈棊無不為嚴冬別我寒蕭
索尊酒都門為君酌車輪遥遥忽不見唯見千
山雪花落

賦得無諸城送浦舍人源歸晉陽

君不見昔時無諸城荒丘斷隴無人耕陵谷湮
沉知幾代古人精靈竟何在憶昔無諸全盛時
都城百雉何逶迤連營國步分秦土繪衮王章
入漢儀山河巍巍那可恃躍馬屠龍今已矣列

國猶傳赤帝封曲臺尚對滄江水滄江水流去
不還故宮落日不堪看寶衣夜化空陵火弓劍
秋懸古殿寒故人西歸從此去策馬秋蕪城下
路欲將陳迹問行人落葉紛紛不知處

袁凱

楊白花

楊白花飛入深宮裡宛轉房櫳間誰能復禁爾
胡為高飛渡江水江水在天涯楊花去不歸安
得楊花作楊樹種向深宮飛不去

張昱

歌風臺

世間快意寧有此亭長還鄉作天子沛公不樂
復何為諸父母兄知舊事酒酣起舞和兒歌眼
中盡是漢山河韓彭誅夷黥布戮且喜壯士今
無多縱酒極懽留十日感慨傷懷涕沾臆萬乘
旌旗不自尊魂魄猶為故鄉惜從來樂極易生
哀泗水東流不再回萬歲千秋誰不念古之帝
王安在哉莓苔石刻今如許幾度秋風灞陵雨

漢家社稷四百年荒臺猶是開基處

蘇伯衡

為呂仲善題江岫圖

尚書懷抱絕瀟灑揮毫往往凌董馬平生一筆
頗自珍數尺生綃為君寫齊山遙接吳山青綠
波萬頃孤帆征東風綠遍汀洲草總是江南離
別情一在江南一江北別情浩蕩嗟何極正如
江上之綠波縱有并刀那剪得當時已足令人
愁而今况復隔羅浮掩圖却上高臺望但見遠

海連天流暮歸朝出與誰侶瘴雨蠻烟結悽楚
斑枝花落鸚鵡飛苦竹叢深鷓鴣語

王禕

築城謠

朝築城暮築城築城欲高高輒崩江南五月盛
霖雨隨崩隨築人人苦大家築城多賣田小家
賣產來助錢朝築一寸莫一尺盡是齊民膏血
積爭道城高可防賊民力已窮何所益君不見
陛下盛德猶如天四海一家千萬年金湯之固

非所恃何乃坐令民力敝

郭奎

夜坐吟

江風蕭蕭吹古樹關月蒼茫海生霧北斗漸落
明河微城頭烏啼天欲曙客子不寐憂無衣東
征三年猶未歸蟋蟀在戶歲將暮洞庭霜白芙
蓉稀男兒生當百戰死不執金吾即挾七閉門
勿用長夜歌騏驎終能致千里

寄衣曲

華燈闇室秋夜長吳刀剪綵為衣裳欲縫不縫
心惻惻還向姑前較寬窄燕山八月雪苦寒羶
褐狐裘俱擘裂明朝驛使催征車白袍絮就愁
寫書舅姑已老妾無子俯仰何以托生死臨行
封裹復致意君看衣上相思淚

朱昇

望夫石

山日照離顏望夫上青山青山日將晚行人去
不返望望無休息長江浪花白卻將望夫身化

作山頭石夫歸莫怪無妝束年年春雨苔衣綠
王冕

趙千里夜潮圖

去年夜渡西陵關待渡兀立江上灘灘頭潮來
雪倒屋海面月出行金盤水花着人如撒霰過
耳斜風快如箭叫霜鴻鴈零亂飛政似今年盡
中見寒煙漠漠天冥冥展玩陡覺心神清便欲
吹簫騎大鯨去看海上三山青

劉崧

秋夜詞

林烏夜啼金井西蟋蟀在戶聲相齊中天無雲
白露下漸見梧桐青葉低幽居此時愁獨曉蘭
燈雙照蛾眉小歌聲恐逐迴風高掩抑冰絃破
清悄絃中語語心自傷低頭却看明月光羅衣
一夜惜顏色庭前明日霑秋霜甘心霜下草祇
在堦庭好不作白楊花飛飛洛陽道



...
...
...
...
...

